

Wenn do et nit deis

Musik & Text Björn Heuser / Verlag:

Die Naach wor koot,
krich die Aure nit janzen op,
doch do denks, dat ich nit raff,
wat do mir sääs.
Denks wör alles joot, et wör alles noch im Lot,
merks do nit, dat do't nit schaffs
et enzosinn.

**Halt mich, wenn ich nüchtern ben,
oder hass mich, wenn ich voll ben;
doch saach niemohls, dat do mich leevs,
wenn do't nit dies.**

Saach nit, dat do zo mir steihs,
wenn do bei mich küss, doch in Jedanke jeihs,
saach niemohls, dat do mich leevs,
wenn't nit su es.

Rään klopp ahn de Schieve,
et es kälder hüek als söns,
et weed eetz jar nit hell, han ich im Jeföhl.
Wenn do wells kannste blieve,
nä, im ähnz es schon ok;
Maach doch einfach wie immer,
bloß dat wat do wells.

Halt mich, wenn ich nüchtern ben ...